

CYNGOR SIR CEREDIGION

ADRODDIAD I'R:	Pwyllgor Craffu - Cymunedau Ffyniannus
DYDDIAD:	1 Hydref 2021
LLEOLIAD:	Dros y we
TEITL:	Parthau Diogel
PWRPAS YR ADRODDIAD:	Rhoi rhagor o wybodaeth i Aelodau'r Pwyllgor am y Parthau Diogel.

RHESWM PAM BOD Y PWYLLGOR CRAFFU WEDI GOFYN AM Y WYBODAETH: Yng nghyfarfod y Pwyllgor Trosolwg a Chraffu Cymunedau Ffyniannus a gynhaliwyd ar y 15fed o Orffennaf, gofynnodd yr Aelodau am adroddiad ar ddyfodol y Parthau Diogel.

Y Cefndir:

O gychwyn cyntaf pandemig Covid, blaenoriaeth Cyngor Sir Ceredigion oedd diogelu poblogaeth y sir a chadw'r nifer a fyddai'n dal y coronafeirws a nifer y marwolaethau mor isel â phosib.

Rhoddodd Cyngor Sir Ceredigion strategaeth ar waith a oedd yn galluogi'r gweithlu i weithio fel un i geisio atal y feirws. Yn sgil hyn, ac ynghyd ag amrywiaeth o gamau gweithredu a chydweithrediad trigolion Ceredigion, ni wireddwyd o gwbl y rhagolygon gwaethaf.

Mae'r Parthau Diogel ymhlith nifer o gamau a oedd yn cyflwyno mesurau i helpu cymunedau yn ystod y pandemig. Wrth i'r cyfnod clo lacio yn raddol yn y sir a thra oedd y gofynion cadw pellter yn hanfodol, roedd angen gwneud addasiadau er lles iechyd y cyhoedd. Cyflwynwyd Parthau Diogel yn Aberaeron, Aberystwyth, Aberteifi a Cheinewydd ym mis Gorffennaf 2020.

Mae'r Parthau Diogel wedi creu mannau mwy diogel drwy leihau traffig yn y canolfannau hyn a chreu rhagor o le i bobl gadw pellter yn ddiogel. Gwnaed hyn mewn lleyfydd sy'n cael eu nodweddu fel rheol gan balmentydd a strydoedd cul. Mae'r mesurau hyn wedi bod yn cyd-fynd â'r mesurau mewn siopau a oedd eisoes ar waith i helpu pobl i gadw pellter diogel tra eu bod yn siopa. Hefyd mae'r mesurau wedi helpu i gefnogi masnach yn yr awyr agored lle, fel arall, byddai cyfyngiadau wedi golygu na fyddai modd agor.

Mae'r cyfuniad o holl ymyriadau'r Cyngor, ynghyd â ffactorau eraill, wedi helpu i gefnogi ein trigolion yng Ngheredigion ac wedi cyfrannu at leihau'r risg o ddal yr haint yn y Sir.

Parthau Diogel – Rhagor o wybodaeth

Ers cyflwyno'r Parthau Diogel bu nifer o newidiadau gan adlewyrchu'r adborth a gafwyd drwy arolygon ymgysylltu, cyswllt â'r Cyngor (drwy e-bost, llythyr, ffôn), trafodaeth gyda Fforwm Anabledd Ceredigion a sefydliadau eraill a thrafodaethau gydag Aelodau.

Rhoddir cyflwyniad i'r Pwyllgor Craffu i esbonio sut y datblygodd y Parthau Diogel a sut y cawsant eu haddasu.

Bydd hwn yn cynnwys cyfeiriadau at y canlynol:

- Y tudalennau ynglŷn â'r Parthau Diogel ar wefan y Cyngor:
<https://www.ceredigion.gov.uk/preswylwr/coronafeirws-covid-19/parthau-diogel/>
- Y ddau arolwg ymgysylltu sydd wedi'u cynnal. Y cyntaf rhwng 31 Gorffennaf a 10 Awst 2020, yr ail rhwng 26 Hydref a 21 Rhagfyr. Defnyddiwyd y ddau i ystyried a ddylid parhau â'r Parthau Diogel ac i ystyried addasiadau iddynt. Mae'r rhain ynghlwm wrth yr adroddiad, er hwylustod, ar ffurf Atodiadau 1 a 2.
- Addasiadau a wnaed i'r Parthau Diogel wrth i'r cyfraddau heintio a'r lefelau rhybudd newid.
- Yr Asesiadau Effaith Integredig. Cafwyd tri asesiad. Mae'r diweddaraf ynghlwm wrth yr adroddiad, er hwylustod, ar ffurf Atodiad 3.
- Y newidiadau diweddaraf a'r camau nesaf.

**A wnaed Asesiad Effaith
Integredig? Os naddo, nodwch
pam**

Crynodeb: Do, mae fersiwn ddiweddaraf yr

Asesiad Effaith (IIA) ynghlwm wrth yr adroddiad.

**LLESIANT
CENEDLAETHAU'R
DYFODOL:**

Hirdymor:	Gweler yr IIA
Integreiddio:	Gweler yr IIA
Cydweithio:	Gweler yr IIA
Cynnwys:	Gweler yr IIA
Atal:	Gweler yr IIA

ARGYMHELLIAD:

Bod yr Aelodau yn ystyried yr adroddiad a'r cyflwyniad.

Y RHESWM AM YR ARGYMHELLIAD:

I ymateb i'r cais am ragor o wybodaeth am y Parthau Diogel a'u dyfodol.

Enw Cyswllt: Russell Hughes-Pickering

Swydd: Swyddog Arweiniol Corfforaethol: Economi ac Adfywio

Dyddiad yr adroddiad: 13 Medi 2021